






On dem Meydlin welchs
on essen vnnnd trincken lebt/eyn kurze erzehlung/
durch Gerardum Bucoldianum Königlichen
Majestat Arzt im Latein außgangen.
Vezünder güetter meynung ver/
eütsche. Durch heinrich
Vogtherzen.



Getrückt zu Speer In verleg heinrich Vogtherzen
vnd hans Schiesser von Wormbs. Mit Ro. Kai. vnd
Ro. Mai. freyhat/nit nachzücrücken bei pön zehen
Marck Löstigs golds. M. O. XLII. Jar.



Colour Chart #13

Blue Cyan Green Yellow Red Magenta White 3/Color Black

Dem durchleuchtigsten herin/Herr Cornelio von
Bergis Bischoff zü Lüttich/Hertzogen zü
Bullon/vnd Grauen zü Loffen/seinem
herin/wünscht Gerardus Bücol-
dianus Königlicher Arzt
vil heyl.

Durchleuchtigster Fürst/nachdem Erwer sonder
gütigkeit gegen mir vnnnd den meinen erkande ist
worden/hab ich allweg gewünscht/wellichs ich
verhofft ein mal zükunfftig/das ich wie einem vnderthenigē
züstede/Erwer großmechtigkeit möcht etwas zügefalle thon/
Nün yezundan als herz Arnolt von Bocholz Archidiacon
zü Arden (ein sonder geleter fürsichtiger vnnnd freuntlicher
man) welchen E. J. G. hierher auff den Reichstag gesant
haben/kurtz wolt hinweg ziehen / hab ich gedacht/ es stünd
mir zü/was ich von dem wunderbarlichē fasten des Meyd-
lins erfarn het/ Erwer großmechtigkeit durch disen dapffern
mā züschickē/Got der Allmechtig woll E. großm echtigkeit
nach wunsch Erwer vnderthanen/welche von Erwer
sonderlich pillicheit vnd verstande wegen alle
langwirig leben wünschen/ganz frisch
vnd gesunde erhalten. Datum
vom Speirischen Reichstag
den Neündten Martij/
Im. 15 42. Jare.

Zwo meyl vonn der Reichstatt

Speir am Rheyne/ist ein Dorff mit namen Roed genandt/
gelegen/in welchem nach der jar zal Christi M. D. xxix. eyn
Meydlin genandt Margaretha/ von yrem Vatter Seyfrid
Weyß/ vnd der Mütter Barbara geborn/ als es schier zehen
jar alt war worden/hat sie vmb sant Michels tag haupt vn̄
bauchwee angestossen/ doch ist sollicher schmerz lenger dan̄
vnleyblicher gewesen/nemlich das es nit hat müssen zū bech-
ligen/doch in sollicher zeit hat es ye lenger ye mehr vberdruß
zū der Speiß gewonnen/ auch haben sich die reynigung des
leibs durch den bauch anfahen zū mindern. Als nū die ge-
nant Junckfraw biß Weynachten noch gessen hatt/hat sie
nachmals keinerley Speiß genossen/noch etwas vß dem leib
vnden gereyniget/ doch hat sie vom trincken noch kein ab-
scheūhen gehapt. Als aber inn nechstem vergangen Vier-
zigisten jar der schmerz des haupts vnn̄ bauchs noch ver-
harret/vnd in der fasten desselbigen jars hend vnn̄ süß/als
lam zūsam̄ gezogen/yr vermöḡ weiter nit können erzei-
gen/hatt der Vatter als sorgfelig seiner dochter gesuntheit
halber/wen er hat mögen bekommen/angeredt/rath vnd hilff
von in begert. Also ist er von einem alten Weib (welche in
zim nahen dorff darbei/für andere/vō den pauren als vor ein
Erztin gehalten würd) geheysen worden/ das die Junck-
fraw ein bad auß sondern kreütter gekocht/ zweymal im tag
brauchē solt/welchs als sie Achzehen tag vergebēs gbrauche
hat/sein sie zū lest darvon abgestanden. Tut also lang dar-
nach/hat ein weip auß den Landtstreiffen/ die hin vnd wi-
der durch Stett vnd Dörffer schweiffen/vnd yr Erztney den
pauren verkauffen/etlicher sonderer kreütter wurtzeln yrem
Vatter geben/als er nū ein bad darauß gemacht hett/vnn̄

die Junckfraw alle tag zwirest vor vñ nach mittags stunde/
biß in die vierde wochen solch bad gebrauchet hatt/ist sie/ als
vil der hend vnd füeß wirckung antriffet/ widerumb zü alcer
gesuntheit gebracht worden. Als aber solchs nit lang nach
Ostern geschach/hat sie gleich wie vormalß vber die speiß als
so yetzunde stets auch vber das trincken vnwillen dermassen
gewunnen/das sie nach Pfingsten an biß auff den heütigen
tag/welche doch langst zü vor auffgehört hat zü essen weder
trincken nach geharnt hat. Nün ist der lauff vnd furnem-
lich der Summer desselben Vierzigsten jars/ So etwan nach
menschen gedechenuß einer möchte gewesen sein/ aller hitzigest
vnd trüekest gewesen/welliche sach/dieweil die Junckfraw zü
solcher zeit vom trincken ganz abgelassen hat/vil mehr ver-
wunderung mit sich bringet. In nachfolgendem Ein vnd
vierzigsten jar/als das geschrey von der Junckfrawe ye len/
ger ye mher erschall/vñ auch dem Bischoff von Speir/des
selbigen orts Landßfürstē/für kam/hat er desselbigen Dorfs
Schuleheßß beuelch geben/das er einen Erbarñ man zü im
nem/vñ die Junckfraw bewerten/solch zwen zü hütter ver-
ordnet/haben in genantem flecken des Ppartheris hauß/die
Junckfraw Zehen tag vnd nacht eyngeschlossen verhüet/vñ
ist solchs in der heyligen wochen angefangen worden.

Als nün kein betrüg hierinn möchte gespüre werden/ist die
Junckfraw widerumb heimgelassen worden. Nit vil Mo-
nat darnach hatt der Keller im Schlossz Bisseleck dem Bi-
schoff zügehörig/nit weit vö diesem dorff/auß begir die sach
laß züerkündigen/die Junckfraw zü im verüßte vnd zü Bi-
seleck eyngeschlossen/biñ in den Junfften tag bei im behaltē/
in welcher zeit/als sich weder zü essen noch trinckē eynich be-
gir in yr erzeiget/hat er gedachte die vorgeend prob wer gewiß
vnd

vnd sie widerumb heimgeschickt. Als nun die Junckfraw
diss jar auch one speiß vnd tranck gelebt hot/ vnd der Kö-
nig Ferdinand inn dem nachfolgenden zwey vnd
vierzigsten jar/ auff den Reichstag gen Speir/ ein zügt wi-
der den Türcken fürzunehmen komen ist/ vnd sollich von der
Junckfraw erfarn hatt/ ist er auß verwunderung der sachen
bewegt worden/ vnd hat in dem Hornung die Junckfraw mit
yrem Vatter zü im berüffen/ vmb diese zeit ist die Junckfraw
vber die zwölff jar alt gewesen/ vnd nach gelegenheit solchs
alters/ hatt sie ein fein statur vnd gliedmessigkeit/ mit grassen
augen/ vnd für ein Bewerin/ ein frey angesicht/ ganz eynfeltig
vnd kindischer art. Als nun Königliche Maiestat/ in kün-
schaffe von solchem lanngen fasten/ alle ding/ wie von andern
angezeygt/ erfarn hot/ vnd dise sache nit allein aller Edlen son-
der auch seiner Maiestet Erzt verstandt obertraff/ hat er ge-
acht das es einem gemeinen nütz daran gelegen were/ sollich
sach mit grossem fleiß zü erfarn/ deshalben Er auch gewelt
hat das sie in meiner herberg auffgenommen vnd auff das fleiß-
sigest do verhütet solt werden. Ober das ist auch der Kem-
erling einer/ Jhanns Graue von Wien ein auffrichtiger fleißi-
ger mann zügegeben worden/ das er stets bei yr wer/ vnd die
augen nirgends von yr abwendte. Als sie nun yr alte kleyder
hinweg gelegt vnd die newe von Königlicher Maiestat yr
geschenckt/ angethon hatt/ ist sie so fleißig verhütet worden/
das sie mit grösserm fleiß nit künde verwarde werdē/ hiezwo-
schen ist sie offtmals zü essen vñ trincken mit lustbarkeit/ mit
welcher sollich alter leichtlich züladen ist/ vergebens gereygt
worden. Zü dem wirt die verwunderung noch grösser/ auß
dem/ diuweyl sie weder yst noch trinckt/ das doch auß yren
naslöcher vnd augen/ wie sie zü zeiten auß kindischer begir zü
den yren weinet/ vberfließig feuchtigkeit fließet. Ober das/

ist auch zu verwundern/das sie am ganzen leib kreutzig ist/vnd
flegmatisch eyter pfozen hat/darzu auch sich ganzer heysse
stuben (wiewol dardurch die enziehung natürlicher krefft/
vnd schwachheit des leibs mehr entspringt) sehr frewet. So
hat sie auch ein ganz natürlich vnd gerüwigen schlaff/doch
in dem eyn vnd auß atmen/wirt der mag vnd der vnder bauch
welcher etwas eingezogner ist/nit so gar/wie sich gebürt/auff
geblasen/ Aber die ander innwendig glieder als Leber vnd
Miltz/ So viel auß dem greiffen verstanden kan werden/ha-
ben keinen mangel. Der mündt aber ist stets trücken/Speyet
auch nimer nichts auß/ wein vnd wasser so sie etwan darzu
ermandt würtd/ laßt sie ein wenig eusserst in den mündt/kan
aber sollichs kaum ein angeplick behalten/ muß es von stund
an widerumb außspeyen/vil weniger das sie künde etwas hin
ab schicken. Als sie nün biß in den zwölfften tag mit höch-
stem fleiß verhüetet was/ vnd keiner sach weniger begir hot/
dan essens vnd trinckens/ vnd doch einerley pulß/ einerley ge-
stalt vnd angesicht/einerley krefft des leibs stets beliben/hat
sie Königliche Maiestat zu sich gefordert / vnd als er yr etz-
lich gaben schanckt / hat er sie nit one verwunderung wider-
umb heim geschickt.

Sie haben furwar die natürlichen Meister vnd ärzte nit
wenig zuschaffen/die Junckfraw lebt frisch/wechst/vnd hat
gleichförmig werme am ganzen leib/der Atem geet auß vnd
ein/Augen/naslöcher/vnd oren haben yr gewonliche reynig-
ung/so hat sie am ganzen leib wesserig oder flegmatisch raus-
den/wandelt/redt/ weindt/ lacht/vnd thüt als/was nach ge-
legenheit zeit vnd orts/ sollichs alters pflegt züchon/ Aber
doch hat sie in sollicher langer zeit weder gessen noch trinckē/
desigreichen weder harn noch wust des bauchs vō yr gelassen.

Nachdem von natur also verordnet ist/ dieweil die natür-
lich

lich hiez allwegen wirckt/ inn die feuchtigkeit etwas auß zü-
trücknen/ das die feuerig hiez des hertzen mit stetē ein vnd auß
atmen erhalten wirt/ das aber von dem leib teglich außgero-
chen vnd verzert wirt/ mit essen vnd trincken erstattet werd/
derhalbē diereil nūn die Junckfraw weder yst noch trinckt/
war von wirt dan der leib erhalten / von wellichem teglich
durch den Atem etwas entzogen wirt: Wo her wolt die na-
türlich hiez so oberflüssig sein/ so das hertz seiner steeten erqui-
ckung müesse not leiden:

Ich kan wol gedencken / vnd die sach selbs auch dohin
bringt das mancherley vitheyl vnder den menschen von dieser
sach gehöret werden/ ich will nit sagen von denen das etlich di-
sputirn es kem vom bösen geyst/ Etlich meinen auß zauberey/
etlich halten es als ein wunderzeichen von Gott/ welche der
warheit nit gleichförmig sein/ steet auch meiner kunst nit zū /
Aber diese zwey stück acht ich möcheten bei dem natürlichen
Lerer inn zweifel gestelt werden. Zūm Ersten/ ob auch ein
feuchtigkeit von der krankheit her im leib gelassen sey/ vonn
welcher der leib so lange zeit möcht erhalten sein worden/ So
das zūgeben würd/ müesse solch feuchtigkeit flegmatisch oder
wesserig/ roch/ wie auch die rauden solchs anzeigen/ vnd nit
Colerisch oder hiezige gall/ noch Melancolisch oder schwarz
gall geacht werden/ dan das blüt darvon der leib fernere wirt/
ist ein mittel feuchtigkeit/ vnder den vnkochten flegmatischen
vnd verbrandten Colerischen vnd melancolisch feuchtigkeit/
die vnkochte feuchtigkeit wann sie zeit hat zūwerdung/ mag
sie in blüt verwandelt werden/ vnd den leib erhalten/ die ander
verbrandte feuchtigkeit diereil sie die messigkeit des blüts
bertreffen / vnd der andern vnreynigkeit sein/ so sie zūlang
behalten werden / mögen sie den leib so gar nit erhalten/ das
sie im auch grossen schaden mögē zūfuegen. Derhalbē die vor

zeiten zu Rom in einem gleichem wunderwerk vermeint haben
bz der mensch vß der melancolisch feuchte sole erhalte sein
haben sich ganz mit eynander geyrret/ Es wer dan das einer
achten wolt (wie die Barbari Arabier daruon schreiben/das
etwan ein melancoley auß der flegmatisch feuchtigkeit dobei
gewesen wer) Das ander/ daruon man auch disputiren
möcht/dieweil die Junckfraw auß vnd ein armet/ vnd genüg
sam lang vnd gerüwig schlaffe/ ob auch nit allein das hertz/
Sonder auch furnemlich das hirn mit feuchtigung/den Aem
oder geist des lebens vnd seel erhalten / vnd etwan ein subtil
wesserig feuchtigkeit / von dem haupt inn den leib herab stey
gen / vnd widerumb sonil erstatten möcht/ sonil durch den
Aem außgerochen vnd verzert wer/ Jedoch ob der leib auß
flegmatischer vnd schleymiger feuchtigkeit/ oder auß des her
zens/vnd furnemlich des hirns feuchtigkeit/ oder etwan auß
ander vrsachen/gespeyst vnd erhalten werd/will ich yezunde
nit annemen züerörtern. Ich setz die sach in gemein/laß einen
yettwedern sein frey gürtbeduncken/domit ich nit geacht wer
de/mehr von vnglaublichen sachen wollen reden/nemlich das
ein ding solt natürlich zügehen/welchs dunckler wer dan die
größt finsternuß/ vnd solt klar werden mit disputiren dan das
welchs ich gesehen hab/für gewiß/ kurzlich/ wie mein furne
men ist gewest/erzelen. Ob aber etlich werden sein/die auch
solchs durch des Meydlins faste durch mich erkandt/der war
heit vngleich wolten achten/den wünsch ich allein das vbel/
das sie nit weniger tag/dann ich/ die sach müestn versuchen.
Also würd es on zweyfel darzükommen/das sie nit schwerlicher
wurden glauben dan ich/ welcher Ze vnd ichs gesehen hab/
ganz hefftig darwider gewesen bin.

Domit aber die sach besterweniger verwundernuß hab /
zeygen vnns die geschicht schreiber an/ das sollichs vorzeiten
auch

auch etlich mal sich begeben hab/dan zü der zeit des Keyfers
Lothartij vñ yetzunder an Sibenhundert Drey vñd;weintzig
jar/Schreibe vñ Apt von Ursperg mit nachfolgendē worten/
das ein Meydlin fast eins alters/ dritthalb jar on Speiß vñd
tranc̄ gelebt hab.

In diesem jar/ sage er/ werden etlich wunderzeichen/ so ges
chehen sein/erzeler/ vnder welchē furnemlich in der aquensi
palast waren die Erbdidem/vñnd in der Marckban tüll/bei
dem dorff Camertz hat ein Meydlin bei zwölff jar alt/noch
dem heylgen Sacrament/das sie von des puesters hand em
pfangen hat/on all begir essens vñd trinckens dritthalb gan
zer jar volnstreckt/ kein narung des leibs ganz nit empfan
gen/vñd hat angefangen züfasten als man zalt nach Christi
geburt D. CCC vñd xxij. jar von Ostern an/ vñd im. D.
CCC. vñd. xxv jar vmb den anfang des winoter Monats
nach diser fastung/hat es widerum Speiß züniessen/vñ wie
anderleit/angefangen züessen/Weiter wie im Sechsten jar
des Papsts Nicolai/ solchs zü Rom/ an einem Franzosen
erfarn sey worden/erzelt der Poggius von Florenz mit disen
worten.

Ich besorg dz dise geschicht welche ich mit vnserm gschwetz
einmischen will/ ander leuten liegerlich möcht geacht wer
den/dierweil solchs der natur zü wider ist/ vñd ober die maß
selzam wunderbarlich erscheint/ So ist es doch so furwar
erfarn worden/das der jenig fur vnuerschembe gehalten wirt/
der sollichs verneynt.

Einer genant Jacob/welcher zü der zeit des Papsts Eu
genij am Römischen hoff was/ auß denē einer die man Cas
pisten nennet/ als er in sein Vatterlant nouionum in Franck
reich komen was/ ist er in ein schwere langwirge kranckheit
gefallen/ Es würd zü lang wann ich alle ding erzelen wole/
welche

welche er sagt die im in der kräckheit widerfare seyen/zü leest
vil jar darnach in dem Sechsten jar des Papsts Nicolai des
Sunften/ist er widerum/wie er zü dem heyligē grab vnser
seligmachers ziehen wolt/nackend vnd arm gen Rom kom-
men(dañ er vnder wegē vnder die mörder gefallen was) kert
ein bei ettelich hofleuten/ganz chrlichen menner vnd meine
nachpaurn/welchen er vormals auch bekandt was/der selbig
sage das er zwey jarlang nach der kranchheit weder gessen
noch trüncken hab/welche sach offtmals erfarn ist worden/
Es ist ein ganz magerer mensch/ein priester/eins güeten ver-
stands/als der stets sein ampt volbringt/vnd als ich sach/
meß gelesen hat/vil in der heyligen geschriffte vnd natürlichē
künsten erfarn haben ernstlich mit im geredt/sagen die sach
sei wider die natur/ist aber so gewiß/dz einer halstarrig wer/
der solchs nit glaubē wolt/ Es ist teglich ein grosser zulauff
zü im deren die in fragen/vil halten mancherley von im/Es
lich meinen das diser leib vō dem bösen geist besessen sey/aber
es erscheinen keine zeychē in disem menschen/dañ eins für sich
eigen/frummen/geystlichen mans/welcher auch auff den heu-
rigen tag sich yebt mit schreiben. Elich halten das ein me-
lancolisch feuchtigkeit im ein auffenthaltig geb/ich hab offte
selbs mit im geredt/vermeint dz falsch wer w3 vō im gesagt
würd/doch ist er nit schnell/sond allgemach in solch gewon-
heit komen/ich würd mich mer vber die sach verwundn/wā
ich nit in den geschicht büchern/die ich erwā in Franckreich
aufgeschriebē hab/gelesen het/das eben solchs/zü der zeit des
Keyfers Lotharij vñ des Papsts Pascalis im jar Christi. D.
CCC. xxij. sich begebē hot/nemlich das ein Meydlin zwölff
jar alt/in der Marckban rüll/im dorff Comertiacum/nach
der niessung des heyligen Sacraments/Erstlich zehen Mo-
nat vom brot/nach mals drey jar lang von tranck vnd speiß
sich

sich enthalten hab/ vnd nachmals widerumb zu frem vorige
leben kommen sey/wellichs diser auch hoffte das im widerfarn
werd/so vil sagt der.

Wiewol/dierweil ich diß erzehlung von dem fasten des Meyd-
lins mehr beschreib/ dan ich mich in ein disputation eynlaß/
dunckt mich auch ich hab nüz genug darauß/ so die jenigen
gefetzigt sein auß welcher geheiß ich solchs thue/ yedoch es
sei wie es wöll/so strew ich mich das es dermassen gestalt ist/
auß welchem/die beuelch habē geschichten zubeschrey-
ben/etwas gewiß nemen (dierweil vil/mancherley
von disen dingen dichten) vñ vnsern nach-
kommen vberschicken könden.

Faint, illegible text, likely bleed-through from the reverse side of the page. The text is arranged in several lines and is significantly faded and obscured by ink smudges and paper discoloration.